

INUIT ATAQATIGIIT INATSISARTUNI



Juulip 31-iat 2025

UKA2025/95

Inatsisartut Suleriaasianni § 36 malillugu apeqquaqat aallaavigalugu oqallinnissamik imaattumik siunnersuuteqarpunga:

Meeqqat atuarfiata nalilersorneqaaqqinnissaannik suullu inatsisitigut allanngortinneqarsinnaanerannik pillugu apeqquaqat aallaavigalugu oqallinnissamik siunnersuut.

(Inatsisartunut ilaasortaq Nivi Heilmann Efraimsen, Inuit Ataqatigiit)

Matumuuna §36 aallaavigalugu Atuarfik pillugu Inatsisartut inatsisaat nr. 15, 3. December 2012-meersoq, Inatsisartut inatsisaat nr. 21, 13. November 2017-imeersoq aamma Inatsisartut inatsisaat nr. 9, 19. November 2021-imi allannguutitalik pillugu oqallisissamik siunnersuuteqarpunga.

Maanna Atuarfitsialaap ukiut 20-it sinnerlugit eqqunneqareernerata kingorna piffissanngorsoraara sukumiisumik atuarfimmuut inatsitta nalilersorlugulu pisortatigoortumik oqallisiginissaa.

Kalaallit Inuiaat immitsinut aallavigineqarusulluta ilikkartariaaserpullu ataqqinerullugulu atornerunissaa piffissanngorpoq. Nammineq ilusilersukkatsinnik atuarfinnut Inatsimmik pilersitsisariaqarpugut.

Ukiumut ullut atuarfiusut 200-it ilumut uagutsinnut tulluarpas? Isumaqarpunga ullut ukiumut atuarfiusut ullut 180-it amerlanerusariaqanngitsut.

Nukarlerni atuartitsisutit assigiinngitsut taamak amerlatigissappat? Sapaatip akunneranut akunnerit 24-it tulluarpas? Isumaqarpunga sapaatip akunneranut akunnerit 22-it sinnernagit atuartitsisoqartariaqartoq. Taamaattorlu ulluunerani paaqqinniffissat ineriikkartuutaasunik sammisaqartitsisillutillu paaqqutarinniffiusunik qulakkeerinnittoqartariaqartoq.

Akullerni assersuutigalugu 6. aamma 7. klassini atuartut sapaatip akunneranut akunnerit 33-it (ukiumut 990 tiimit) atuartitsissutillu assigiinngitsut 13-it tulluarpas? Isumaqarpunga 4. klassimiit 10. klassimut tikillugu ukiumut annerpaamik 900 tiimit, sapaatip akunneranullu lektionit 30-t atuartitsissutigineqartariaqartassasut.

Angajullerni sammiviit aaliangersimalluinnartut, meeqqat soqutigisaat aallaviginagit atuartitsiuarneq pissusissamisoorpa? Maanna meeqqat aturfiani atuartut angajullit annertoorejussuarmik atuagarsornikkut ingerlatsivigineqarput. Isumaqarpungalu atuartut assassortarissanik pikkoriffillit periarfissinneri annikippallaartoq. Taamaattumillu Inatsimmi periarfissarsiuunneqartariaqartut.

Atuakkersorneq aamma assassortariaanerumik sammivilimmik atuartitsinerit sammivilernerusinnaavagut? Atuakkersorluni aammalu assassortarissanik /mernguernatunik

sammisaqarluni atuartsineq oqimaaqatigiinnerusumik aaqqissuussiffigeqqittariaqarpagut. Taamaalilluta meeraq qitiutillugu atuartsiniarneq timitalernerusinnaagatsigu.

Atuarfinnut Inatsimmi pingaatumik kapitali 3 aamma 4¹ allannguiffiginissaat qanoq piumassuseqarfigineqarpa? Partiit allat qanoq isumaqarpat?

Nunatsinni susassaqtut tamaasa peqataatillugit oqallinnissaq pisariaqartipparput, oqallinnerullugu ineritassaa aallaavigalugu sulisoqarnissaa angorusutaqarnera oqallisissanngorlugu matumuuna oqallisissiarivara.

Oqallilluarisi.

¹ https://nalunaarutit.gl/groenlandsk-lovgivning/2023/selvstyrets-lovbekendtgoerelse-nr-19-af-27-04-2023?sc_lang=kl-GL